



Inatsisartunut ilaasortaq Sofia Geisler, Inuit Ataqtigiit

MAANI

Urani pillugu § 37 naapertorlugu apeqquteqaammut nr. 2020-077-mut akissut

28-05-2020
Suliap nr.: 2015 - 441

Inatsisartut suleriaasianni § 37, imm. 1 naapertorlugu, aatsitassarsiorluni misissueqqissaarnissamut akuersissut 2010/02) pillugu apeqqutit matuma kinguliani allassimasut Naalakkersuisunut saqqummiuppatit, tassani apeqqummut tunngavilersuutini allassimalluni, aatsitassarsiorluni misissueqqissaarnissamut akuersissut tunniunneqartoq siunertaralugu »nalunaarusiortoqarnissaa, aalajangiisoqannginnerani innuttaasut akuutinneqarnissaannik siunertaqartumik «

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: asn@nanoq.gl
www.naalakkersuisut.gl

1. Naalakkersuisut qinnuigineqarput uppersaanissaannik misissuinissamut akuersissummik 2011-mi tunniussinermi siunertaasimamat misissuisoqareernerani nalunaarusiortoqassasoq, Inatsisartunilu oqallisigineqannginnerani nalunaarusiaq aallaavigalugu innuttaasunik tusarniaaneqassasoq.

Akissut: Pisinnaatitsissummik pigisaqartoq nalunaarusiamik suliaqassasoq, innuttaasut akornanni tusarniaanermut tunngaviusinnaasumik, aatsitassarsiorluni misissueqqissaarnissamut akuersissummik tunniussinermit siunertaasoq, uppersaatissaqartoq, Naalakkersuisut uppersarsinnaanngilaat. Apeqquteqartoq nalunaarusiamut eqqoqqissaartumik Naalakkersuisunit suussusersiuminaatsumut, innersuussivoq. Aalajangiinissamut tunngavissani aammalu Greenland Minerals A/S-mut aatsitassarsiorluni misissueqqissaarnissamut akuersissut aamma tapiliussaq pillugu Naalakkersuisunut inassuteqaammi, immikkut nalunaarusiornissaq tamatumalu kingorna tusarniaanissaq pillugu atugassarititaasunik ilaatitsisoqanngilaq. Aamma atugassarititaasut taamatut iluseqartut akuersissummi imaluunniit tapiliussami allassimangillat.

Taamaattoq tapiliussamut siunertaasut, 2013-ip tungaanut ingerlatassat ingerlateqqinnissaannut aammalu VVM-mut, peqqissutsimut, VSB-mut aammalu imminut akilersinnaassutsimut misissuinerit inaarsarneqarnissaannut aningaasaliisussarsiorlunissamik ajornarunnaarsitsissasut ilimanaateqartoq, aatsitassarsiorluni misissueqqissaarnissamut akuersissummut tapiliussap nr. 1- ip akuerineqarnissaanut inassuteqaammi Greenland Minerals A/S-ip tungaaniit oqaatigineqarmat, Naalakkersuisut uppersarsinnaavaat.

Tamatuma saniatigut taamaattoq uranimik aatsitassarsiorluni misissuineq pīaaanerlu pillugit nalunaarusiat, paasissutissiinernut najoqqutassiat arlalippassuit suliarineqarsimammata, innuttaasunik ataatsimiititsinerit arlallit ingerlanneqarsimalutik, Inatsisartuni oqallittoqarsimalluni il.il., Naalakkersuisut uppernarsarsinnaavaat. Tamatumunnga najoqqutassat Naalakkersuisut.gl-imi aamma ina.gl-imi innuttaasunit pissarsiarineqarsinnaapput.

- 2. Naalakkersuisut qinnuigineqarput uppernarsaanissaannik Greenland Minerals A/S-ip nalunaarusiornera suli piariinngitsoq, innuttaasunik suli tusarniaasoqanngitsoq, taamalu Inatsisartuni pineqartup oqallisigineqarnissaa suli pinngitsoq Siumup siuttuuffigisaata Naalakkersuisooqatigiit 2013-imi taasinermik ataatsimik amerlanerussuteqarlutik aalajangermassuk qinngornernik ulorianartunik akulinnik pīaaqqusinnginneq pillugu aalajangersagaq atorunnaarsinneqassasoq aammalu pīaasinnaanermik akuersissummik Greenland Minerals A/S tunineqarmat.**

Akissut: Naalakkersuisut matuma siuliani oqaatigineqartutut paasissutissiissutigisinnaavaat, ingerlatseqatigiiffik tamanut ammasumik tusarniaanissaq siunertaralugu nalunaarusiamik suliaqarnissamut pisussaaffilerneqartoq pillugu Greenland Minerals A/S-mut aatsitassarsiorluni misissuinissamut akuersissummi atugassarititaasunik piumasaqateqartoqanngilaq. Taamaattoq Greenland Minerals aatsitassanut ikummatissanullu inatsimmi kap 18a naapertorlugu 2014-imi tamanut ammasumik piareersaataasumik tusarniaanermik ingerlatsivoq, tassungalu atatillugu allakkianik pisariaqartunik suliaqarluni. Piareersaataasumik tusarniaanermut najoqqutassat Naalakkersuisut.gl-imi tusarniaanermut nittartakkami takuneqarsinnaapput.

Aammattaaq paasissutissiissutigineqarsinnaavoq Greenland Minerals A/S-ip maannakkorpiaq pīaanissamut akuersissummik qinnuteqaammut najoqqutassat inaarsarnissaat sulissutigileruttormagu, tassani ilaallutik ilaatigut Inuiaqatigiinni piujuartussamik iluaqutaasumik sunniutaasussanik misissuinerlut nassuiaat (VSB-mut nalunaarusiaq) kiisalu Avatangiisinut sunniutaasussanik nalilersuinerlut nassuiaat (VVM-mut nalunaarusiaq). Nassuiaatit/nalunaarusiat marluusut taakkua tamarmik tamanut ammasumik tusarniaassutigineqarnissamut piumasaqaatinik naammassinnilerpata, ilanngullugu qallunaatut kalaallisullu naammassillutik, Naalakkersuisut aatsitassanut ikummatissanullu inatsimmi kapitel 18a-mut naapertuuttumik, taakkua qaqugu tusarniaassutigalugit nassiunneqarsinnaanersut, isummerfigissavaat. Tusarniaanermut atatillugu aamma illoqarfinni nunaqarfinnilu, aatsitassarsiorfimmi suliassami ingerlatassanit immikkut kalluarneqartussani, tamanut ammasumik tusarniaalluni ataatsimiititsinerit ingerlanneqassapput.

Kiisalu paasissutissiissutigineqarsinnaavoq, Greenland Minerals A/S maannakkorpiaq aatsitassanik piiaanissamut akuersissummik tunineqarsimanngimmat. Piiaanissamut akuersissummik tunniussisoqassappat, VSB-mut nalunaarusiap aamma VVM-mut nalunaarusiap tamanut ammasumik tusarniaassutigineqareertinnagit, tamanna pisinnaanaviangilaq, takukkit aatsitassanut ikummatissanullu inatsimmi §§ 73 aamma 76 aatsitassanut ikummatissanullu inatsimmi § 87b-imut ataqatigiissillugu.

3. Naalackersuisut qinnuigineqarput uppersaanissaannik Kuannersuarni Nunatsinniluunniit allani aatsitassanik uranimik akulinnik piiaasoqassagaluarpat tamanna sioqqullugu innuttaasunik taasititsiniarlutik.

Akissut: Naalackersuisut uppersarsinnaangilaat, Naalackersuisut Kuannersuarni aatsitassanik uran-italinnik piiaasinnaanissaq pillugu innuttaasunut taasisitsisoqassamaarnera, tassami immikkoortup 83-ip aamma immikkoortup 97-ip ataanni aatsitassanik qingornernik ulorianartunik akulinnik piiaanissaq pillugu innuttaasunik taasititsinermik ingerlatsisoqarnissaa pillugu siunnersuut Inatsisartut ulloq 20. maj 2016 itigartimmassuk. Naalackersuisut ataqqivaat Inatsisartut aalajangiinerat 2016-imeersoq, tamannalu allanngortissallugu pilersaarutiginnigilaat.

Tungavilersuutaasoq 2016-imi paasissutissiissutigineqartunut assinguvoq, tassalu aatsitassanut ikummatissanullu inatsit malillugu pisinnaatitsissummik pigisaqartoq peqarfimmik piiaavigilersaakkaminik paasinarsitsisimappat killissalersuisimallunilu, pisinnaatitsissummik pigisaqartoq piiaanissamut akuersissummik tunineqarnissamik pisinnaatitaasoq. Inatsisartut 2016-imi upernaakkut ataatsimiinneranni immikkoortoq 97-imut akissuteqaammi oqaatigineqartut, aalajangersakkamut siunertaavoq ilaatigut aatsitassarsiorfiutileqatigiiffiit Kalaallit Nunaannukarumalersinnissaat. Aatsitassarsiorfiutileqatigiiffiit allatigut inatsisini piumasaqaatit naammassisimagunikku, pisuussutinik nassaarisaminnik piiaanissamik pisinnaatitaaffeqarnertik qulakkeersimanngikkunikku, Kalaallit Nunaanni aatsitassarsiorluni misissueqqissaarnermi ingerlatassanut aningaasaliiumanissaat, naatsorsuutigineqarsinnaanaviangilaq.

Innuttaasunik taasititsineq piiaanissamut pisinnaatitaanermut apeqqusiisussaavoq, tassami atugassarititaasut akuersissut naapertorlugu pisinnaatitsissummik pigisaqartup allatigut naammassisimasai, taamaaliornermi piiaanissamut akuersissummik pisinnaatitaanermik malitseqanngissinnaammata. Innuttaasunik taasititsinermi naaggaartoqarpat, pisinnaatitaanermut tassunga tamanna killiliisinnaassaaq. Kalaallit Nunaata inatsisiliortutu inissisimanagera taamaalilluni pissusissamisoortumik isornartorsiorneqarsinnaassaaq. Tamatuma Kalaallit Nunaanni aatsitassarsiorluni misissuinissaq orniginannginnerulersissagaa qularnangilaq. Innuttaasunik taasititsinerit piumasaannarmik atorneqassanngitsut Naalackersuisut isumaqarluinnarput. Oqaluttuarisaanikkut

isigalugu innuttaasunik taasitsinerit ilaatigut apeqqutitut annertuunut attuumassuteqartarput, soorlu taamanikkut EF-mut ilaasortaanermut, Namminersornerulernerup eqqunneqarneranut aammalu Namminersulernerup eqqunneqarneranut, tunngassuteqarsimallutik.

Inussiarnersumik inuulluaqqusillunga
Med venlig hilsen
Best Regards


Vittus Qujaukitsog

INUIT ATAQATIGIIT

Inatsisartuni



13. maj 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Naalakkersuisut qinnuigineqarput uppersaanissaannik misissuinissamut akuersissummik 2011-mi tunniussinermi siunertaasimammatt misissuisoqareernerani nalunaarusiortoqassasoq, Inatsisartunilu oqallisigineqannginnerani nalunaarusiaq aallaavigalugu innuttaasunik tusarniaaneqassasoq.**
- 2. Naalakkersuisut qinnuigineqarput uppersaanissaannik Greenland Minerals A/S-ip nalunaarusiornera suli piariinngitsoq, innuttaasunik suli tusarniaasoqanngitsoq, taamalu Inatsisartuni pineqartup oqallisigineqarnissaa suli pinngitsoq Siumup siuttuuffigisaata Naalakkersuisooqatigiit 2013-imi taasineramik ataatsimik amerlanerussuteqarlutik aalajangermassuk qinngornernik ulorianartunik akulinnik piiaaqqusinnginneq pillugu aalajangersagaq atorunnaarsinneqassasoq aammalu piiaaasinnaanermik akuerissummik Greenland Minerals A/S tunineqarmat.**
- 3. Naalakkersuisut qinnuigineqarput uppersaanissaannik Kuannersuarni Nunatsinniluunniit allani aatsitassanik uranimik akulinnik piiasoqassagaluarpat tamanna sioqqullugu innuttaasunik taasitsiniarlutik.**

(Inatsisartunut ilaasortaq Sofia Geisler, Inuit Ataqatigiit)

Tungavilersuut:

§37 naapertorlugu apeqqutit akissutaannut 066-imut Naalakkersuisut allapput taamani Inuit Ataqatigiinniit siuttuuffigineqartut Naalakkersuisooqatigiit misissuinissamik akuersissummik Greenland Minerals A/S tunigaat. Tamanna assortunngilarput, inissaminiissagaluarporli oqaluttuaq tamarmiusoq Naalakkersuisunit oqaluttuarineqarpat. Naalakkersuisooqatigiit 2009-2013-mi atuuffeqartut Inuit Ataqatigiit aamma Demokraatit naapeqatigiissutigalugu isumaqatigiissutigaat misissuinissamik akuersissut tunniunneqassasoq. Siunertaavoq nalunaarusiortoqarnissaa, Inatsisartunilu aalajangertoqannginnerani innuttaasut tusarniaavigineqassasut.

Taamani tusagassiutitigut aamma saqqummerpoq <https://sermitsiaq.ag/kl/node/113345> Greenland Minerals A/S-ip akuersaaraa, aalajangerneq Naalackersuisut Qoornumi isumaqatigiissutaata iluaniittoq, tassa qinngornernik ulorianartunik akulinnik pīaaṅgilluinnartoqarnissaa.

Ilisimaneqartutuut Siumup siuttuuffigisaasa Naalackersuisooqatigiit 2013-imi aalajangerpaat qinngornernik ulorianartunik akulinnik pīaaqqusinnginneq atorunnaarsissallugu, aamma Inatsisartut 2013-imi ukiakkut ataatsimiinneranni Naalackersuisut Siulittaasuata neriorsuutaa tassalu innuttaasut tusarniarneqassasut suli maannamut piviusunngortinneqanngitsoq.

Kissaatigivara apeqqutikka ullut suliffiusut qulit qaangiutinnginneranni akineqarnissaat.